

四庫未收書輯刊編纂委員會編

四庫未收書輯刊

北京出版社

玖輯・貳拾肆冊

四庫未收書輯刊

四庫未收書輯刊編纂委員會編

北京出版社

〔清〕楊錫紱撰

四知堂文集三十六卷
首一卷崇祀錄一卷

清嘉慶十一年楊有涵等刻本

玖輯・貳拾肆冊目錄

四知堂文集三十六卷首一卷崇祀錄一卷〔清〕楊錫紱撰

一

玉山詩鈔四卷文鈔四卷附刻一卷〔清〕項樟撰

六三三

〔清〕楊錫紱撰

四知堂文集三十六卷
首一卷崇祀錄一卷

清嘉慶十一年楊有涵等刻本

御製詩

乾隆二十七年壬午仲春

賜漕運總督楊錫紱

轉漕由來大政關得人久任謂卿閑四星儲蓄天容
與千里北南歲往還革弊深應體民隱董掄兼欲恤
丁艱奉公盡職誠斯在扈蹕儀文儘可刪

乾隆三十年乙酉春日

賜漕運總督楊錫紱

內供卿貳外封疆司運今番政最良不必精嚴事皆
就善於驅使衆胥襄卽今水次排南舸弗悞秋來到

御製詩

北倉更議僉丁錫積習不徇流俗審應臧

御製祭文

皇帝諭祭於原任漕運總督楊錫紱之靈曰制函承
寵爰資舟楫之功彝典酬庸丰煥絲綸之色惟
令問堪垂於簡冊斯隆恩下逮於几筵爾楊錫
紱宣力夙聞奉公罔懈早備鶴廳之選更聯豹
直之班敷歷中外者有年用佐禮刑而無忝泊
領柏臺之總奕奕哉冠迨持藻鑒之平兢兢聽
履惟漕節寄輓輸之任俾廷臣綜轉運之司清
操可風簡稽弗爽成勞具在蒞逝忽聞考舊典
以彰勤賁餘榮而致奠嗚呼抒忱挽粟難忘掌

御製祭文

庚之勛頒惠加遽式著飛芻之績靈而不昧庶

克歆承

乾隆三十四年十二月初一日

御製碑文

朕惟服勞資篤業飾終之典宜隆示後永休聞壹惠
之文特重惟成績可垂於琬琰斯榮名式煥以絲綸
爾原任漕運總督楊錫紱敷歷有年奉公匪懈分香
雞舌早登司列之班簪筆螭頭夙著光朝之譽控嶺
扼崗之會曾建旌牙襟湘帶沅之區重開榮戟貳卿
清職典守乎嘉禮祥刑肅政崇階管攝乎中銓左選
以台斗而總節麾之任保障是膺惟東南實爲財賦
之都輸將攸賴何期溘逝彌切軫懷考憲易名諡之
勤慤嗚呼指順帆於千里尙念江淮轉運之功表豐

御製碑文

一

碣於九原聿彰風夜靖共之誼載輝重兆俾荷隆施
乾隆三十四年三月初三日

誥授光祿大夫 太子太保兵部尙書兼都察院右

都御史總督淮揚等處地方提督漕運海防軍
務兼理糧餉諡勤慤楊公家傳

公諱錫紱字方來號蘭畹江西清江人父英玉
以名諸生授經講學鄉里宗師之公自幼穎異
爲文灑灑數千言稍長究心於濂洛關閩之書
內行篤修求自慊而後已雍正五年成進士初
仕爲吏部考功司主事明習條例老吏不能欺
高安朱相國攝部事最器公十年由御史出爲
廣東肇羅道端已率屬一切餽遺請託皆不行

家傳

一

肇境田瀕海者多藉圍基爲外衛公每歲親往
相視修築完固終其任無水患乾隆元年署廣
西布政使條奏數事其二事言革職佐雜官宜
免追編俸州縣官不得以土產獻上官五年土
苗吳金銀等作亂公與巡撫討平之明年九月
授廣西巡撫貴州土苗石金元燒永從縣治公
發兵合剿平其穴擒石金元旣遷江土苗數百
謀犯思恩府城公發兵往捕獲賊首李彩及其
黨八十餘人行保甲法恤苗民之乏食俾得耕
作民賴以安屬吏或以人參饋者諱其名曰長

生菓公怒却之以入告

上曰是不愧四知者矣八年入爲禮部侍郎明年補湖南巡撫公以各省水利日廢愚民不知遠計數畝之塘往往加土爲田一遇旱乾都成棄壤有司惟計田糧較重以收則陞科爲勸墾之功所謂貪近利而忘遠害者也請勅各省督撫凡有陂塘處所嚴禁改墾

上詔行之時湖南每歲採木有司至苗地凡所有木悉籍記之又賤買商木運至江南輒賣其贏餘公奏請自後商木憑牙行採買不得官爲交易

家傳

二

其在苗地者州縣官爲審問聽苗民有願賣者乃買之運過辰關按驗乃行著爲例十四年丁父憂歸十六年起爲刑部侍郎仍出撫湖南明年丁母憂歸十九年冬起爲左都御史凡所奏對侃侃持大體明年正月署吏部尙書二十一年出署湖南巡撫五月補禮部尙書其年冬出爲山東巡撫時二十一州縣被水公奏請蠲貸有差糶常平米減價三分之一以魚臺土城低窪請移置高處絕後患明年授漕運總督在任十二年每與河臣協謀河務以時蓄洩俾漕運

通達

上常嘉獎焉時旗丁多疲困公加意撫恤運官不敢有私求旗丁感公德建生祠於河上公性淡泊平居未嘗不讀書奏疏詳盡事理每下部多如說施行所著書有四禮從宜節婦傳漕運全書及詩文集行於世三十三年冬薨於位年六十有八

賜諡勤愍予祭葬皆如禮

贊曰近世名臣推朱文端楊文定蔡文勤是三公者負正直之操屹然爲當世望若楊公者其

家傳

三

三公之亞歟旣已遭逢

聖主敷歷內外而天不永其年卒未竟其用有心者當爲國惜爲民悲而公則可無憾矣余與公爲同年友稔知公故爲之傳

賜進士及第 誥授光祿大夫 經筵講官 內廷

供奉兵部尙書都察院左都御史年眷弟長洲

彭啟豐拜撰

皇清誥授光祿大夫 太子太保兵部尚書兼都察

院右都御史總督淮揚等處地方提督漕運海

防軍務兼理糧餉楊勤愬公墓誌銘

維乾隆三十三年歲在戊子十二月初一日清

江 官保漕督楊勤愬公薨於位越旬餘遺疏

至京

天子爲之震悼

賜祭葬如禮

特命予諡凡飾終之典備具在朝之臣罔不嗟嘆余

方以母憂在苫白之中惻惻累日哭於寢門明

墓誌銘

一

年冬十一月公子有涵以書來乞銘嗚呼余追

隨公後者屢矣在吏部爲同官暨公出任漕督

余先後攝倉場篆於公相表裏公之言論風采

余親炙最久公之政事皆余所心儀而目覩者

也余曷敢以不文辭公諱錫紱字芳來一字蘭

畹世居清江之上湖里其始遷祖宏中公在南

宋尤著當時號爲六君子者也自是厥後代有

聞人至贈公渭村先生復以理學顯公其仲子

也公爲諸生時卽知名雍正甲辰舉於鄉丁未

成進士分部得吏部考功司由郎中擢貴州道

監察御史外補廣東肇羅道乾隆丙辰

上卽位由巡道

特署廣西布政使未幾實授此公受知之始異數也

辛酉

命署廣西巡撫旋實授蓋自是將大用公矣嗣 內

召佐宗伯甫一歲奉

命巡撫湖南以外艱歸旋

命佐司寇未至京復出撫湖南以張太夫人憂守制

回籍服屆滿復奉

命仍撫湖南旋以左都御史 召繼奉

墓誌銘

二

旨署吏部尚書至乙亥二月湖南巡撫缺人

上以公在楚湘年久仍

命往署五月授禮部尚書十一月又奉

命署山東巡撫丁丑正月以兵部尚書總督漕運公

所至多異政粵西與安南接壤苗民錯處公嚴

立禁防而除去煩苛安靜無擾湖南素稱好訟

公分別良莠示以科條期年而民俗一變三位

其地父老咸歡迎如慈父母焉至其爲漕督也

所釐剔尤多

上亦信之專而任之久糧艘積弊爲之一清運丁之

瘠疲者咸有起色奸胥猾吏向盤踞其中者均
端端不敢名一錢前此數十年所未有也公捐
館後繼公任者

上皆以一遵公約束爲

訓所撰漕運全書今署漕督雲門黃公遂表上之垂

爲令嗚呼公之心力亦瘁於此書矣公遭際

聖明所敷奏率皆切於世務多見諸施行又公以部

曹起家屢典文事所取多得人

御製宸章屢邀

特賜豐貂內紂之

墓誌銘

三

錫賚殆無虛歲兩晉 官銜至太子太保始終

恩禮優渥再三公之遇合可謂榮矣而公之忠誠事

主慈惠臨民識與不識皆能言之公其可謂不負所

學矣至於居家孝友敦宗睦族推食解衣在他

人有其一節卽詭爲美談者在公特爲餘事又

公於經濟爲長然詩古文亦多出入唐宋大家

不苟爲命筆所著有四禮從宜四知堂詩古文

明志居時藝唐風蟋蟀官箴說籌運草春草吟

落葉詩皆可出而問世公之歿距生於康熙四

十年十月初一日得年六十有八以乾隆三十

四年十二月十二日葬於日中山祖塋之傍子

六人長有濟辛酉舉人先歿次有涵壬申進士

戶部陝西司郎中次有濬候選州同次有澳丙

子舉人浙江清泉場大使次有洵幼殤次有泰

候選鹽大使孫九人長懋學承重次懋璟懋珩

懋瑄懋玖懋怡懋瑗懋琮懋恬孫女十一人曾

孫二人熙芹熙績曾孫女四人銘曰

山川間氣篤生偉人用資康濟生爲名臣全受

全歸沒爲明神是謂不朽垂千萬春白石齒齒

清流鄰鄰我公如在巍然冠紳慈慕鬱鬱維江

墓誌銘

四

之濱山長水遠視此貞珉

賜進士出身 誥授光祿大夫 經筵講官刑部尙

書 內廷行走年家眷同學弟裘曰修拜撰

凡例

先大夫起家郎署遭逢

聖明未及十年由監司

特擢粵藩旋晉巡撫入長卿貳出任封疆中間三莅

湖湘久司漕運敬歷內外垂四十年荷

兩朝特達之知矢一念不欺之隱持躬清白率屬嚴明

凡民生休戚吏治清濁士習隆汙漕河利弊軍

政得失邊境防維知無不言行無不力每有陳

奏多荷

優容迨於晚年尤蒙

四知堂文集

凡例

一

異數封章朝上夕輒報

可部議所格

明旨特俞雖先臣忠誠自矢公爾忘私而

皇上聖德如天求治若渴故每

洞燭無遺成全逾格生加顯秩歿荷易名迄今任漕

督者

聖諭所及每以取法先臣爲

訓自古知臣莫若君旣深信於生前復

垂念於身後此誠千載不易觀之

殊遇也謹就生平奏疏按年編集都爲十六卷以紀

國恩間有條陳數事雖荷

允行中有一二部議未准者未敢節刪悉仍舊稿以

昭慎重云

先大夫歷官中外由監司至督撫一切咨議條

教從不假手幕賓事無鉅細必廣詢博訪詳求

得失然後見諸施行宦轍所歷往往上下交孚

誠意周浹政無不舉晚任漕督值諸事凋敝於

是極意釐剔力挽頽風凡所規畫動關遠計故

十二年中弊絕風清綱舉目張官無訛法之虞

丁有挾續之樂今取其文詞讀之舉措之間具

四知堂文集

凡例

二

有深意誥誡所及載以真誠信有可經世垂法

者初不關文字淺深也集咨稟詳議牌檄示凡

三卷

先大夫自少潛心濂洛關閩之學不專詞章通

籍後一以致君澤民爲事然未嘗一日不讀書

政事餘暇輒手一編至老不倦生平雅意興教

育才植綱扶紀故發爲文章每關名教茲所存

者半手自編定間有搜訪所得確而可信者並

附入焉集記序三卷

尺牘之作昔人或有所刻大都矜尙藻麗耳先

大夫一生接物以誠待人以恕不矜才不使氣
往來簡札必自起草或多手書大則

國計民生細亦關學問品概而於漕河尤洞悉原
委致同官書委曲詳盡殷殷忠告不使官爲
嫌常言苟利

國家任事不妨勇敢平生著述於斯三致意焉匪
獨誼協寅恭實緣忠愛之忱蘊結者素也集書
簡三卷

文章之作體裁不一記序書札而外爲誌爲傳
爲述爲文爲說爲賦爲書後爲訓誡著不一體

四知堂文集 凡例

三

體不數作非有關於綱常風化卽有神於人品
心術非苟作也茲所哀輯或以述祖德或以揚
徽烈或以垂典訓或以寓箴規學務躬行言皆
心得至於雕蟲篆刻之作風雲月露之詞先人
存稿所不概見集誌傳行述雜文凡三卷

先大夫公退之暇雅好吟詠中年之詩半燬於
火自任漕督以來頻年轉運半歲浮家體

國餘閒不廢游藝於是河朔之通塞臨壩之節宣
丁旗之疲乏民生之疾苦水泉之贏縮道路之
遠邇以及時序之變遷草木之榮落耳目所接

輿會所觸一寓諸詩篇什旣多寄託亦遠於漕
河得失蓋若可燭照而數計焉非僅紀歲時抒
懷抱已也集焚餘草督運草籌運草巡營草運
餘草爲詩凡八卷

先大夫明達治體而不尙近功湛深經術而恥
鶩虛名所著漕運則例彙纂四禮從宜節婦傳
諸書或明體達用事可遵行或發潛闡幽意存
激勸皆常板行問世而漕政一書宛平黃雲門
先生常以上

聞垂爲令甲節婦傳亦采入史館蒙著錄焉四禮從

四知堂文集 凡例

四

宜則板存長沙今皆別行故不復纂入詩文內
如官箴說籌運草春草吟落葉詩皆常從饒霽
南金紫峯兩太史之請先後付梓雖行世已久
第其書卷帙參差易致散失今並依類編入庶
便觀覽焉

先大夫清德重望久爲海內所推通門舊交每
以未見全集爲憾涵才識庸下於先人無能爲
役兼效職邊陲歷鹿無暇近以衰疾仰荷

聖恩退歸田里乃獲率諸子姪詳加校讐編爲三十
六卷付諸剞劂卷首恭錄兩次

御賜宸章及

御製碑文祭文所以紀

君恩詔後嗣俾世世子孫無忘報稱云

不肖男有涵謹識

有藩同編次

孫男懋學懋璟懋珩

懋琬懋瑄懋玖

懋恬懋宣校字

曾孫熙芹熙華熙

芳

四知堂文集凡例

族孫熙黎同校刊

五

乙照齋刊

皇清太子保太保兵部尚書總督漕運謚勤愍楊公諱錫紱遺像



經筵講官文淵閣直閣事禮部尚書加三級受業紀昀填諱

遺像題辭

宮保尚書勤愍楊公遺

像題辭

江右推明德朝端倚重臣

行臺崇節鉞轉運著經綸

潔並關西操仁敷淮浦春

天卿公望峻星殞泣儒紳

學脉宗濂洛謨明緬禹

臯崇儀希上德朗鑒析秋

毫情性和而介功施懋且

勞遺編闡芳烈餘事薄風

遺像題辭

二

騷 河畔千艘接風帆兩

月程桃花春浪穩柳葉曉

堤平挾纊均膏澤鳴鐃轉

旆旌金甌應待卜輿頌到

神京 憂國鬢成絲洪河

去浪遲封章頻入告謹論

慰

疇咨臣節常持重天心不

慙遺魂兮應廟食風雨獲

靈旗 同譜凋零盡晨星

遺像題辭

三

天上懸三秋分素袂一夕忽

黃泉謬慙同列溫公古

賢文孫能紹述題像淚潛

然

年弟彭啓豐



挺生順哲際時

雍一出羣驚異

野空澹尔清醇

遺像題辭

四

儒者象超然凝

遠大臣風致身

自合雲霄上託

興何妨叩壑中

即看庭階多

秀色紫萼紛茁

遺像題辭

五

蕙蘭叢再莅

長沙治績優十

年淮浦更深籌

理財真並晏琦

義論世還殷禹

稷憂每到南池

遺像題辭

六

懷獨往記登北

固快同遊乘風

此日歸何處全

義相携碧海

頭

拙脩侍嵇璜拜題

遺像題辭

七



山立春風坐抱衣
年清高真宛在
故寬然而不隨人
神因得氣全
華月心事耿孤懸

遺像題辭

八

公輔平生器
仕初更生編
史志河渠正
經綸始著書
柏府儒雅尚

眷舊董思德名臣
審懷葛持頻
漕轉久留淮
飽家無餉賦
遺愛在畫像驛前

遺像題辭

九

排憶我登龍日
國士知少年
氣末學許工詞
門人錄猶存紀事
詩究無成就在流